

JP NIO SLUŽBENI LIST BiH
S A R A J E V O

Broj: 5-1-05-1-97/16-16
Sarajevo, 11.03.2016. godine

Na osnovu čl. 64. stav 1. tačka b) i čl. 70. st. 1.,3. i 6. Zakona o javnim nabavkama Bosne i Hercegovine ("Službeni glasnik BiH", br. 39/14), člana 23. Statuta JP NIO Službeni list BiH, a na Prijedlog Komisije za javne nabavke o izboru najpovoljnijeg ponuđača, broj: 5-1-05-1-97/15-16 od 10.03.2016. godine u postupku nabavke goriva, direktor je donio:

ODLUKU
o izboru najpovoljnijeg ponuđača

I

Prihvata se Prijedlog Komisije za javne nabavke o izboru najpovoljnijeg ponuđača, 5-1-05-1-97/15-16 od 11.03.2016. godine i ugovor za javnu nabavku goriva, dodjeljuje se ponuđaču HIFA-PETROL d.o.o. Bugojno, za ponuđenu cijenu od 4.399,91 KM (sa popustom i bez PDV-a), kao najbolje ocijenjenom ponuđaču.

II

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ova odluka će se objaviti na web stranici www.sluzbenilist.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

OBRAZLOŽENJE

JP NIO Službeni list BiH (u daljem tekstu: ugovorni organ) je na osnovu Odluke o pokretanju postupka za nabavku goriva proveo konkurentski postupak javne nabavke.

Procijenjena vrijednost nabavke bila je 8.000 KM (bez PDV-a), a obavještenje o nabavci broj: 195-7-1-18-3-5/16 objavljeno je na Portalu javnih nabavki dana 23.02.2016. godine.

Nakon isteka roka predviđenog za dostavljanje ponuda, Komisija za javne nabavke (u daljem tekstu: Komisija) je u Zapisniku o zaprimanju ponuda od 07.03.2016. godine konstatovala su u roku pristigle slijedeće ponude:

1. Ponuda ponuđača „PETROL BH OIL COMPANY“ d.o.o. Sarajevo, broj protokola: 5-1-05-1-97/7-16, dostavljena 07.03.2016. godine u 08.48 sati.
2. Ponuda ponuđača „PROMING“ d.o.o. Bugojno, P.J. Sarajevo, broj protokola: 5-1-05-1-97/8-16, dostavljena 07.03.2016. godine u 08.53 sati.
3. Ponuda ponuđača „HIFA“ d.o.o. Tešanj, broj protokola: 5-1-05-1-97/9-16, dostavljena 07.03.2016. godine u 09.49 sati.
4. Ponuda ponuđača „GREEN OIL“ d.o.o. Sarajevo, broj protokola: 5-1-05-1-97/10-16, dostavljena 07.03.2016. godine u 10.30 sati.
5. Ponuda ponuđača „HIFA-PETROL“ d.o.o. Sarajevo, broj protokola: 5-1-05-1-97/11-16, dostavljena 07.03.2016. godine u 10.31 sati.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-97/14-16 od 10.03.2016. godine utvrdila da su sve pristigle ponude formalno prihvatljive za ugovorni organ, te je utvrdila rang listu ponuda prema kriterijumu za izbor ponude:

Kriterijum za ocjenjivanje ponude je najniža cijena:

1. HIFA- PETROL d.o.o. Sarajevo sa ukupnom cijenom od 4.399,91 KM (sa popustom i bez PDV-a)
2. PETROL BH OIL COMPANY Sarajevo sa ukupnom cijenom od 4.972,00 KM (sa popustom i bez PDV-a)
3. HIFA d.o.o. Tešanj sa ukupnom cijenom od 5.001,74 KM (sa popustom i bez PDV-a)
4. PROMING d.o.o. Bugojno P.J. Sarajevo sa ukupnom cijenom od 5.114,38 KM (sa popustom i bez PDV-a)
5. GREEN OIL Sarajevo sa ukupnom cijenom od 5.658,84 KM (sa popustom i bez PDV-a)

Izabrani ponuđač HIFA-PETROL d.o.o. Sarajevo je izabran primjenjujući kriterij najniže cijene koja je ponuđena u iznosu od 4.399,91 KM (sa popustom i bez PDV-a) te je shodno tome dat prijedlog o izboru navedenog ponuđača kao najpovoljnijeg.

Cijeneći navedeno odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u najmanje 3 (tri) primjerka.

DOSTAVITI:

- Svim učesnicima postupka nabavke,
- Komisiji za javne nabavke,
- a/a .

DIREKTOR
Dragan Prusina